

金錄放生儀

淨穢

法事

九清之上高澤於至真六合之中用資於洪
肥恭炷道德真香遙空啓奏供養

三境高真十華上聖諸天日月星斗宿度羣
真三元三官大帝北極四聖真君靈寶五師
真君祖天師正一真君九天天尊諸司聖衆
五嶽五山之神地府幽陰聖衆水府扶桑大
帝三界十方真宰恭望居有勿有中鑒無勿
無內傾光回駕監真度生臣伏以一元判天
地人物之形道涵萬化庶類布動植飛潛之
象品列三才稟賦之質雖分陰陽之情固具
貪生惡死同趨利避害之心渴飲飢餐均求
飽謀安之念皆根源於元始祖氣實肇分於
太極真精奈流俗之乖仁徇世緣而非義陸
張水捕合宜羅以掩羣躬宿驚棲設網罟而
併命憫彼微物罹此何辜以今欽奉
綸音崇建寶齋宣揚玉範慶成終事克荷玄
恩再秉宸衷用贖生命縱之林野俾自在以

金錄放生儀

道遙放之源泉獲安閑而游泳咸遂有生之
樂用弘無上之恩仰望三寶慈尊九清上聖
俯從丹洞鑒納衷體

聖君隆天厚地之仁增延睿算遂萬物戾天
雖淵之性水固

皇圖普使寰區同躋仁壽稽首皈依無極大
道

飛潛高下各流形 總是先天祖氣成

宿劫業因誰結習 今生異類且經行

遭逢網罟冤仇債 效贖林泉惠澤深

作善降祥隆萬壽 福覃寰宇樂昇平

和不可思議功德

伏以轉煩惱作菩提仁恩廣大以神奇化臭

腐厚德充周雖胎卵濕化之業報有殊而生

老病死之機賊則一幸脫離於黑網來會合

於清壇既向無生而獲有生已拜

聖主好生之德當由有念以至無念共超大

道希夷之闡悟多生趨向之非識正性指歸

之樂隨緣展轉超覺地以安閑任運道遙證

福鄉而游宴永脫鱗介羽毛之苦獲生安樂

清靜之邦思不虛捐當效珠環之報德宜漸
積須堅金石之忱稽首皈依無極大道

四生流浪久沈淪 業力膠纏本性昏

幸際恩光歸彼岸 宜回覺照脫迷津

惡都落滅冤愆罪 善地皈依惠愛仁

厚德無垠知感戴 密垂福慶萬齡春

和不可思議功德

放生

伏以集康寧妙德之福由積世之指修憫養

動含靈之情本宿生之業對六塵輪轉萬劫

循環有地獄有天堂品類均明於趨向無衆

生無壽者飛潛同受於陶鑄以今道氣旁周

靈光下燭

上帝普昭天漏泉之惠羣生膺回斲起死之

仁翩翩雲飛山深林密洋洋川泳海晏河清

聖主仁德天齊好生志切植今辰之福果綿

億載之洪基陶九有之春臺開八荒之壽域

清泉虔誠誦誦如法

靈書中篇

向來

回向

向來放生功德無限良因仗三寶以證明其
眾真之鑒映伏願仁及草木化洽慈惠盡宇
宙高下之中仁風披拂極天地圓方之外惠
日舒明悉令萬類之沾恩不使一夫之失所
上報生成之德旁敷化育之仁凡厥有情悉
歸正道為如上因緣念玄都萬壽天尊太平
護國天尊好生度命天尊福生無量天尊不
可思議功德

金錄放生儀

三儀同卷

金錄祈壽早朝儀

金錄祈壽午朝儀

金錄祈壽晚朝儀

金錄祈壽早朝儀

法事如式

各禮師存念如法

請宣神呪

元上青精九炁太靈神光遐散流映東青

華景鬱勃灌我身形官府安鎮寶魂自生

洞達八朗飛昇玉庭

鳴法鼓二十四通

無上三天玄元始三炁太上老君名出臣身

中三五功曹左右官使者左右捧香驛龍騎

吏侍香金童傳言散花玉女五帝直符直日

香官各三十六人出出者嚴裝顯服冠帶垂

纓闡啓玄壇土地方域神真臣今早朝陞壇

行道朝謁帝真欽奉其諸丹悃具載絨勝

願得

卷六

太上至真道炁靈寶瑞光下降疏入臣等身
中令臣所啓之誠速達徑御

至真無極大道三清上聖昊天至尊金闕玉

皇上帝御前

請稱法位

具位臣某與臨壇官眾等謹同誠上啓

虛無自然至真無極大道玉清聖境大羅元

始天尊太上道君太上老君昊天至尊玉皇

上帝紫微上官天皇帝紫微中官北極大

帝后土皇地祇玄都萬壽天尊太平護國天

尊福生無量天尊玄都玉女七寶層臺紫微

上官靈寶至真諸君丈人金闕諸天彌羅聖

眾上相上宰上保上傳少傳少傳四師五帝

十二仙卿三十六部尊經玄中大法師三天

大法師日月星宮斗府周天宿度河漢星真

南極老人福祿壽星真君

皇帝本命星君帝座照臨星宰三界內外應

感一切真靈臣聞元始開闢六合煥真風之

妙化虛皇御運八圖流慧日之祥光上燮理

於天元下裁成於地紀聖神立極敷大道於